




**KOMITI O LE VAEGA TAU
LE TAMAOAIGA
ECONOMIC SECTOR COMMITTEE**



**P.P. 2016/2017 No. 133, Lipoti
Faaletausaga a le Kamupani Vaalele
a le Polenisia 2016.**

**P.P.2016/2017 No.133, Polynesian Airline Annual
Report 2016.**

SUMMARY	OTOOTOGA
Sitting Days: 2 days	Aso o Fonotaga: 2 aso
Sitting Hours: 8 hours	Itula o Fonotaga: 8 itula
Duration : 22 nd February & 1 st March 2017	Umi na Iloiloina ai : 22 Fepuari & 1 Mati 2017
Submissions : 1	Molimau 1 Tuufofoga/ Tusitusia :
Visits :	Asiasiga :
Resolutions : Approves the Committee Report	Iugafono : Faamaonia le Lipoti a le Komiti

Presented to the Legislative Assembly
Tuuina atu i le Fono Aoaofaitulafono

1. FAUTUAGA

Ua fautuaina e le Komiti o le Vaega Tau le Tamaoaiga le Fono Aoao ina ia faautagia lana Lipoti.

2. FAATOMUAGA:

O le Komiti o le Vaega Tau le Tamaoaiga o lo o faavaeina i lalo o aiaiga o le Tulafono Tumau 174 ma e aofia ai:-

SUI USUFONO

Filifilia

LAUOFO Fonotoe N. P. Laufo	-	Taitaifono	23/6/2016
FAALOGO Iosefa Sopi	-	Sui Taitaifono	23/6/2016
TAPULESATELE Mauteni T. M II Esera	-	Sui Usufono	23/6/2016
TOLEAFOA Ken Vaafusuaga	-	Sui Usufono	23/6/2016
ILI Setefano Taateo Tafili	-	Sui Usufono	23/6/2016

3. TULAFONO TUMAU 174:

E tusa ai ma aiaiga o le Tulafono Tumau 174, o le a avea ma tiute o le Komiti o le Vaega Tau le Tamaoaiga le:-

- Iloiloina o so o se Tulafono Tau Faaofi, Talosaga po o isi mataupu ua tuuina atu e le Fono Aoao po o e tusa ai ma nei Tulafono Tumau; ma
- Suesue o faiga faavae, faafoega ma tupe alu a matagaluega ma faalapotopotoga a le Malo, faalapotopotoga tumaoti ma lala soupu i totonu o le Vaega o Pulega Tau le Tamaoaiga.

4. IUGAFONO

I le maea ai o iloiloga a le Komiti, na faaiugafonoina ai e le komiti e fautuaina le Fono Aoao e faamaonia lana lipoti:-

- P.P. 2016/2017 No 133, Lipoti Faaletausaga a le Kamupani Vaalele a le Polenisia 2016.

5. FAUTUAGA.

1. Ia toe tagai i le feagaiga faapaaga a le Kamupani Vaalele a le Polenisia ma le Kamupani Vaalele a le Virgin Australia, ina faaleleia ni faaletonu ma faamalieina Manaoga a le Kamupani Vaalele a le Polenisia - toe fetuutuunai le tau o pasese mo femalagaina i le va o Samoa, Ausetalia ma Niu Sila ona ua taugata tele pasese mo femalagaiga ma ia silasila foi le Pulega i se isi Kamupani Vaalele Faava o Malo latou te faipaaga pe afai o le a le faauauina le faigapaaga ma le Virgin Australia.
2. E fautuaina e le Komiti le Kamupani ina ia amata faagaioi fuafuaga mo le faalateleina (extension) o le Malae vaalele (runway) Fagalii ma isi fuafuaga e pei ona faailoa mai e le Pulega.
3. Ia faagaioi vave loa fuafuaga a le Kamupani Vaalele a le Polenisia mo le lisiina mai o Vaalele mai le Kamupani a Ausetalia (Alliance Airline) mo femalagaiga i totonu o le Pasefika faapea foi ma vaalele mai le Kamupani (AVIC) Saina mo femalagaiga i le Va o Upolu ma Amerika Samoa.

6. SAILIILIGA A LE KOMITI.

Na maua i sailiiliga a le Komiti i le Lipoti Faaletausaga a le Kamupani Vaalele a le Polenisia le tuufatasia ai o Kamupani Tumaoti e lua (2) o le Polynesian Limited ma le Polynesian Airline (Investments) i totonu o le Lipoti, e ese mai tausaga ua mavae sa tuu eseese nei Kamupani. Matauina e le Komiti le Faaauauina o Galuega Autu a nei Kamupani e aofia ai:-

i. POLYNESIAN LIMITED.

- Faia o femalagaiga i le ea mo le felauaiga o tagata femalagaai ma uta i totonu o le Pasefika i Saute, aemaise lava i le va o Samoa ma Amerika Samoa (aofia ai ma femalagaiga i Manu'a).
- Taulimaina o galuega tau faigamalaga ma uta a Vaalele i luga o le Fogaeleele i le Malae Vaalele Faava-o-Malo i Faleolo; ma

- Galuega Faaofisa Malaga Autu mo isi Kamupani Vaalele i Samoa ma Tonga.

ii. POLYNESIAN AIRLINES (INVESTMENTS) LIMITED.

- Faafaeina o le Malae Vaalele i Fagalii.

Na maua i faatalatalanoaga a le Komiti ma le Kamupani Vaalele a le Polenisia le Sefulu (10) ai nei tausaga talu ona osia le feagaiga a le Kamupani Vaalele a le Polenisia ma Kamupani Vaalele a Ausetalia o le Virgin Australia. O lenei faiga paaga sa faavaeina i le tausaga 2005, sa faaoga ai Vaalele tetele mo femalagaiga faava-o-Malo i Niu Sila ma Ausetalia.

Na matauina e le Komiti le siitia ai o tupe Faasili a le Kamupani Vaalele a le Polenisia i le \$ 4.16 miliona. O se fiafiaga tele lea i le Pulega ona o le mafai ona maua a latou tupe Maua faasili aua le totogiina o Aitalafu a le Kamupani ae faapea foi i tufatufaga o tupe faasili i le Malo i tausaga taitasi.

Na faaalua e le Pulega Aitalafu tuua o le Kamupani e tusa ma le 26 miliona ma o loo togitogi e le Kamupani lea Aitalafu i le taimi nei ma ua aafia ai a latou tufatufaga o Tupe faasili i le Malo. Na faaalua le popolega a le Kamupani ile tulafono o tufatufaga (Dividends) a le Malo i le faamatuu atu o le afa poo le 50% o ana tupe maua faasili, ona e ono le faataunuina ai isi fuafuaaga a le Kamupani.

Na faaalua e le Kamupani ua lua ai nei Tausaga faaletupe e leo toe faamatuuina atu le sao a le Malo e tusa ma le 2 miliona mo le totogiina o le aitalafu i le faatauina o le Vaalele Twin Otter lona lua. O lenei aitalafu e tatau ona faamaeaina lona totogiina i le tausaga 2018 ia Aperila

6.1 Kamupani o le Polenisia– (Polynesian Limited)

Ua matauina e le Komiti i le Lipoti Faaletausaga le siitia ai o tupe maua a le Kamupani o le Polenisia. I le molimau a le Pulega, o se fiafiaga tele ona ua mafai e le Kamupani ona ausia tupe faasili e tusa lea ma le \$ 3,232,744 mo le Tausaga Faaletupe e pei ona lipotia mai.

O le Kamupani o le Polenisia po o le Polynesian Limited o lo o gafa ma le faafoeina o femalagaiga o le atunuu lautele atoa ai ma felauaiga o uta i totonu o le pasefika e aofia ai ma Amerika Samoa. Ua matauina e le Komiti, o le isi galuega patino a le vaega lenei o le mata'ituina ma le tagofia lea o galuega tau vaalele i luga o le fogaeleele (Ground Handling Operations) i le Malae Vaalele Faa-va o Malo i Faleolo. Na taua e le Pulega o le Kamupani Vaalele a le Polenisia, o le isi lenei o auunaga a le Kamupani o lo o maua mai ai le tele o ana tupe maua. Peitai e tusa ai ma le molimau a le Pulega, o se tasi vaega ua lē o toe faamanuiaina ai le Kamupani a le Polenisia e ala i ana tupe maua faaopoopo, ona o lo o fa'aaauau pea i le taimi nei le faatinoina e se Kamupani Ausetalia o auunaga tau vaalele i le fogaeleele i Faleolo mo vaalele uma a le Virgin Samoa, ma o lea suiga na amata mai i le tausaga 2011.

6.2 Kamupani o le Polenisia (Tupe Teu Faafaigaluega) -Polynesian Airlines (Investments)

O le Kamupani Vaalele o le Polenisia Tupe Teu Faafaigaluega (Investments), o se kamupani Tumaoti sa faatuina faaletulafono i lalo o le Tulafono o Kamupani 2001. O le sini autu i le faavaeina o lenei kamupani sa faamoemoe lea mo Tupe Teu Faafaigaluega mo le Kamupani Vaalele. O le isi vaega tele na mafai ona ausia e le Kamupani, o le toe faaogaina lea o le malae vaalele i Fagalii aemaise o lona faafoeina. Na taua e le Pulega, talu mai ona maea galuega mo le toe faaleleia o le malae vaalele i Fagalii, ua avea nei ma galuega autu a le kamupani le puleaina o le Malaevaalele i Fagalii aemaise o le malupuipua o ana meatotino.

6.3 FEAGAIGA MA LE KAMUPANI AUSETALIA.

Na maua i Faatalatalanoaga a le Komiti, o le isi vaega tele na mafai ai ona ausia tupe faasili e le Kamupani, ona o le osiga-feagaiga a le Malo o Samoa ma le Kamupani Vaalele o le Virgin Australia. O lenei feagaiga sa faavaeina mai i le tausaga e 2005 seia oo mai i le taimi nei.

Na faailoa e le Pulega ua iai se Komiti Filifilia latou te iloiloina le feagaiga a le Kamupani Vaalele a le Virgin Australia aemaise o le Air New Zealand. O lenei faiga paaga ua tulai mai ai se faafitauli tele ona ua taofia ai le faiga faatauvaga a ia kamupani, a ua faatulaga lava e nei kamupani vaalele totonu po o pasese o tagata femalagai i le va o Niu Sila ma Ausetalia e laugatasia ai nei kamupani. O lona uiga, ua leai se isi alofaga e tua iai lo tatou atunuu femalaga'i, ona ua na o le pau nei o vaalele o lo o feoi i le va o Niu Sila ma Ausetalia ma e pule lava nei kamupani i le tau o a latou pasese. Ona o lenei itu, e manatu ai le Komiti ina ia fautuaina le Komiti Faatonu ma le Pulega ina ia toe silasila i se auala e mafai ai ona toe faatino i se taimi vave faigamalaga tau vaalele e pei ona iai muamua.

7. FUAFUAGA AUSIA I LE TAUSAGA FAALETUPE 2015-2016.

Ua maea ona sainia se Feagaiga ma le Kamupani a le Polenisia ma le Kamupani o le AVIC Corporation o Saina mo le Fausia o Vaalele mo le faamoemoe tuuina mai ia Setema i lenei tausaga 2017.

Ua maea ona pasia e le Komiti Faatonu le faamoemoe o le Kamupani ina ia toe amatalia ni aga auaunaga Faavaomalo e faaoga ai Vaalele tetele (Jets). Maitauina le le talafeagai o siitaga o pasese mo femalagaaiga faava o Malo, ma ua aafia ai tele le tamaoaga o le atunuu.

Na faaalua foi e le Pulega le toe tofia ai o sui fou e toatolu(3) i le Komiti faatonu a le Kamupani,ua atoa ai le toafitu(7) o sui o le Komiti Faatonu (Boards).

8. FUAFUAGA ALUALU MAMAO A LE KAMUPANI.

Na maua e le Komiti i luga o ana Sailiiliga nisi o Fuafuaaga alualu mamao a le Kamupani, ua faamaonia nei e le Komiti Faatonu i luga o le Fautuaga a le Pulega le toe faagaioi ai o se tatou vaalele tele la'u pasese e pei ona iai muamua. Na taua e le Pulega ua maea faatino nisi o faatalatalanoaga ma

kamupani vaalele i fafo e aofia ai ma le kamupani vaalele a Saina lea ua ofoina mai le fesoasoani e ala i ana Vaalele Y12F mo le faaaogaina e le Kamupani Vaalele a le Polenisia, ma na faailoa e le Pulega o se taimi o lenei tausaga e faataunuuina ai lea fuafuaga. E manatu le Komiti e ao i le Pulega ma le Komiti Faatonu ona silasila totoa i lea vaega ina ia mautinoa le lelei ma le saogalemu o vaalele aua femalagaina a le atunuu.

Na taua foi e le Pulega fuafuaaga mo le toe fausia o le fale e faalelei ai Vaalele(Hangar)e tusa ma le 4 miliona se vaegatupe mo le fausiaina o lenei Galuega, ina ia lelei nofoaga e Faaleleia Vaalele mo le Saogalemu o faigamalaga.

Na faailoa foi e le Pulega le sainia o se feagaiga a le Kamupani Vaalele a le Polenisia ma le Kamupani Vaalele mai Ausetalia o le (Alliance Airline) mo le lisina o Vaalele aua faigamalaga agai atu i Tonga, Fiti ma Tuvalu e faaaogaina ai ituaiga Vaalele o le (Fokker).

Na taua foi e le Pulega fuafuaaga mo le toe faalauteleina o le auala o le malaevaalele i Fagalii e ala i le toe faaopoopoina o le 300 mita mo le auala Vaalele (Runway).

9. TALI ATU I MANAOGA.

Mulimulitaia o Tulafono.

O lenei Kamupani o loo mulimulitaia "Tulafono a le Pulega o Tupe a le Malo 2001" faapea le Tulafono o Faalapotopotoga a le Malo (Faatinoga o Galuega ma le mafai ona taliatu) 2001.


10. MOLIMAU

Kamupani Vaalele a le Polenisia.


Tupuivao Seiuli	-	Ofisa Sili o Pulega.
Tagaloa Aolele	-	Ofisa Sili Lagolago o Pulega.
Daisy Roebeck	-	Ofisa Sili Lagolago o Pulega.

11. SAINI A LE KOMITI


Hon. LAUOFO Fonotoe Nuafesili P Lauofo
TAITAIFONO O LE KOMITI



FAALOGO Iosefa Sopi
SUI TAITAIFONO



TOLEAFOA Ken Vaafusuaga
SUI O LE KOMITI



TAPULESATELE Mauteni T M II Esera
SUI O LE KOMITI


ILI Setefano Tafili Taateo
SUI O LE KOMITI